

中国边疆研究资料文库·边疆史地文献初编

# 西南邊疆

第三輯

中国边疆研究资料文库·边疆史地文献初编

# 西南邊疆

第三輯

平播全書



平播全書序

播州故戕疇地介在川湖貴竹間扼險盤據舊矣唐乾符中楊端者取播地南詔世官茲土厯我朝率眾內附遂以宣慰茲州領二安撫六長官如故大都視爲徼外部曲取羈縻而已迨至裔孫應龍憑累世資驍雄黠武國家嘗倚之起戰功乃不勝牀第杯酒之昵戮及無辜諸夷落重足上變告諸不法事先後勘論有年議者引匈奴雖強不當漢一太縣語否則謂洞蠻苗蕪蟻聚棊布我且東西多事有如以尺檄定之何用觀兵欲假勦以堅撫而酋不聽欲乘撫以圖勦而酋又不聽是用撫與勦兩無當酋益鴛鴦

平播全書序

天子赫然震怒起御史大夫兼司馬李公田間總三藩師假便宜賜尙方劔從事公聞命乘傳速驅之時我兵未集綦江勢若累卵遂爲首所乘兩裨帥力戰死勢張甚川以東諸郡邑無不人人惴恐公曰今日之不利視白石飛練百倍不一大創之何以釋主上西顧憂乃移鎮渝州部署文武將吏刻日誓師分八道破重關以進酋計無復之父老相對泣下退保海龍囤賊眾各鳥獸散八道兵圍囤數重設雲梯仰攻健兒猱升直搗其穴酋乃雉經死俘妻子戚屬若干人以獻播遂平夫平播之策人人能言卽人人不能言言撫者嫌於玩寇示弱而言剿者苦於枵腹空拳

中章外掣訖無定畫他姑無論卽大將中尙有欲重以事  
權假之數年者公陽爲文告緩之而陰治餉調兵羽檄四  
布遠近戒嚴惟斷乃成則裴晉公之平淮蔡也酋據險設  
伏如虎負嵎假令舟中無敵則一夫當關安能得志公廣  
布間諜運以神機久乃懷疑空關不守謀以代戰則杜元  
凱之破吳人也往者數戰失利酋且謂我易與公善用靜  
靜於泰山公善用動動於流泉故一傳論而酋不復窺秦  
再誓師而酋不敢拒關三詰責諸將而酋遂授首軍中破  
膽則韓魏公范文公之宣威西夏也渠魁旣殲脇從諸夷  
苗悉置不問募民實塞畫井張官起瘡痍存新舊一切善

平播全書序

後卽憂且病直鯁鯁然爲千百禩建不拔則諸葛武侯之表出師班定遠之語任都護也蓋公天才元略如有神授以故將兵二十餘萬行師才百十有四日而諸所指畫省若括轉若樞易若摧枯料敵形如觀火故有所建請若指掌若面談是以朝上夕下天子不待三賜問而卽報可公志益發舒其治軍益明肅毋論練卒蒐乘廣儲蓄稽尺籍申賞罰轉怯令強因形爲勢卽細之醫藥米鹽衣被履屐之間靡不得其任以故取事易而徵效速也嘗攷明興將相之業相爲用者率推靖遠新建乃忠毅詳而少遜於文非公比也至若詳而文文而鴻爽足以宣明其意惟文成



播也謂婁山諸嶽五丁莫開海龍國高千仞難躋似以徒  
費兵力終歸一撫耳悌曰唯唯否否及抵渝侍公吉語日  
聞捷音狎至酋知名渠魁非獻首轅門則稽顙戲下破關  
克峒如振落發蒙則何也公厲敏豁達急戎機則倚馬數  
檄坐策千里當窾會披狐兔則魁結跼躡弄羅蠻長爭前  
驅先徵調則秦越滇廣齊魏燕士奮戎行治芻餉則舳艦  
銜尾絡繹肩馱效飛輓犒卒伍則牛酒魚鹽薪蒸糗糒充  
宿飽拯疾厄則醫藥湯散金創疫癘濟緩急壯軍威則五  
帥貳師八路斬關揚旆虎聯兵勢則總一監司歃血誓盟  
申要束而又陷陳摧鋒縣重賞破關克壘崇世官大將受

餌褫厥職貳師觀望責以死中軍勒限取其元賞信若萬  
戶及躬罰必若三尺在頸至於二帥壁後閱月未拔不難  
移前兵攻後捐萬金使貪所繇連拔二城盡成俘馘尚有  
逸於疏外者總之太虛無物空洞有容巖巖千仞不可攀  
泱泱萬頃不可滄轉圜善任摻縱有神所以本也故自出  
師訖賊平疏數十上檄百千下隔千里而面譚洞幽微於  
觀火軍法穰苴之嚴綜理武鄉之密宅心子儀之寬決策  
晉公之斷納降曹彬之仁而文章肖謫仙勛業紹衛公又  
其家世淵源由來者遠也昔淮陰謂漢高曰臣多益善  
今播之役兵逾二十萬分之八路相雄合之遞攻蓄銳繇

斯以推曷難百萬多多益善奚以尙茲存茲法也夷無橫  
已是書也烏可無傳也竊觀國家威靈遠軼漢代漢時丞  
相多自列侯出塞大馘唾手萬戶流光史冊不謂濫觴令  
甲文階不俟茅土之爵亦時有之威甯等封雖以首虜靖  
遠世祚實自征蠻粵考靖遠誓詞思祿所服也未幾輒渡  
金沙以攻猛密石爛江枯問之水濱耳自公平播百蠻君  
長狐兔含悲鯨鯢不波唐交綏之外國宋斧畫之餘邦無  
敢越志詎直拓地二千里哉傅穎川而後無功矣成功之  
後公歛然若無屏居苦伏深自摧剝疆吏上重事又憑牀  
裁定之痛嚴懷慈往往以舉魚之感發悲愴之調至今人

平播全書序

匹

不可讀國爲奇勛家爲死孝公之謂矣酬勩有無奚知焉  
第西南之人謳唵肖象引領國恩我皇快於志而託重眷  
留督府圖其難爲封疆不朽其不遜烈麓川也明甚則開  
國山河以慰西南半壁爲公拭目之望也不筮矣若曰師  
保我公四世其同曉前事也何庸尸祝焉昔周大夫爲宣  
王誅玁狁而百蠻從其詩曰征伐玁狁蠻荆來威公也以  
之又曰文武吉甫萬邦爲憲以豫齊遼蜀唵之又曰吉甫  
燕喜旣多受祉有我聖明在萬曆庚子嘉平四川等處提  
刑按察司按察使中卿張悌謹序并書

平播全書後序

本朝西南夷部落以百數常有事以其聲教阻絕不甚治也自上卽位靈威四暢收建武討松州類有成績論者以爲美談迨播事起輒皆以爲難不輕議勦然圖事成功赫赫可稱斯固未易言矣李公旣定播西還因出記數百篇以視嘉謨曰此軍中奏檄書記也可論而存之否嘉謨退而序品踰年書成竊以爲西南夷遠於王化山川架阻毒霧箐林非人所居雖好兵者未能旅逞也其中播最大地方二千里民悍而財富逆首用之敢於衡命震驚天下使天不悔禍事未可知以其權力較之思州麓川譬如象馬

平擺全書後序

之於雞豚大小莛楹何論建武二夷然公也討之不數月而平嘉謨親在軍中備見行事今讀是書凡握算之奇制勝之略雖不可以言盡然足以窺其萬一也頃已列狀上聞國家報功每無所恡搢紳先生非有軍功不侯然史牒具存以功而封如靖遠新建之倫多矣思州小醜未底靈誅金沙受盟旋卽不順列祖猶以荒服用兵當蠲小故不難裂土而侯之况茲討播功烈較然足以垂之萬世以是受百里之封開河山之誓豈爲溢乎后之君子讀其書想見其行事洋洋乎其盛也已夫恩威賞罰軍之善物也言辭號令政之要體也播有事以來議者盈庭其言如蓬蘽

藤葛然此依彼附期於牽纏其得失可鏡已及公受命奏  
書羽檄旁午於道使者項背相望每一紙下指畫禁戒無  
論其他皆入敵之左腹披歛導卻孰敢差池上既神聖善  
於任使每奏上輒報可先是東征之役羣情鼎沸公車日  
受封事以百數今茲迄無一言一二老成唯交相贊勉幕  
府檄下無論官庶卽蠻夷大長老絕無知識者莫不擊跽  
捧誦人人以爲能得其意世之居一官建一事造作新書  
以企流布者多矣豈其若是故無翼而飛者制其實也不  
鑿而入者選其美也古今一揆賢智者得而操之又惡可  
以彊致乎昔太公望佐武王滅殷其君臣論說著於六弢

諸葛孔明相蜀號爲忠武遺書心法儒者共稱兩君子依  
歸明聖言有持循故足以傳於後世以眡公書抑當有說  
夫用兵之難久矣約論是編詳其意旨可略而言蓋有事  
有變而能居者故機鏑已新存舊可以弛敵羽括漸乖擻  
刺可以反正眾口囂囂不復恤也亦有隱而難知者因敵  
爲形形生而能盡緣物爲事事小而能周芻狗滔滔不復  
存也亦有用而不恃者蠻夷悍帥乘時之敝而鬪其捷則  
曲盡抑揚必爲我使譬之善醫天雄烏喙可以爲效而不  
爲毒天下從而信之不復疑也又有近而應卒者譙讓間  
行慶賞亟發百變而不吝狎至而難尋譬之說者以蜜說



甘及其窮也又以甘說密狀若連環以爲鼓舞眾莫不從不復攜也亦有繁而必整者材用亟收虛中以應事端雜至隨眾可同故集餉散兵種種諸事四方皆以爲難而願盼舍然罔不大定不復稽也又有盡而不汙者靡有不甄靡有不暨行之容容爭者銷而異者化懸之以示天下無間焉不復抗也以是數者較之二君子其書具在審虛實之規采情形之辨酌輕重之倫明古今之致其大槩可辨已是編之傳尤信西南用兵數役皆有典藉可攷未有若斯之赫赫絕羣者嘉謨誦陋甯足知公姑論其略如此時事方殷公爲社稷之鎮是書之行於世古人所謂珠玉金